

## **Siunnersuummut nassuiaatit**

### **Nassuiaatit nalinginnaasut**

#### **1. Aallaqqaasiut**

2006-imi aprilimi Naalackersuisunut siulittaasup Statsministeri qinnuigaa, Kalaallit Nunaanni upalungaarsimanermut inatsisiliornissamut suliassamik Namminersornerullutik Oqartussat (maannakkut Namminersorlutik Oqartussat) aamma Naalagaaffimmi oqartussaasut akornanni aallartitsisoqassasoq, tassungalu Upalungaarsimanermut Ataatsimiititaliarsuarmut inatsisitigut tunngavissamik pilersitsinissaq, aammalu upalungaarsimaneq pillugu kalaallit danskillu oqartussaasuisa akornanni suleqatigiinnissamut inatsisitigut tunngavissamik pilersitsinissaq ilaatinneqarput.

Naalackersuisunut siulittaasup qinnuteqarnera tunngavigalugu sulinissamut malitassaq 7. juli 2006-imeersoq suliarineqarpoq, tassanilu siunertaq pingaarneq tassaavoq, sorsuttoqarnerata sorsuttoqannginneratalu avissaartinneqarnissaanut, aammalu suliassa qarfinnut akisussaasuunerup atuutsinneqalernissaanut, danskit upalungaarsimanermut inatsisaanni ilaatinneqartunut tunngavissat malillugit Kalaallit Nunaanni upalungaarsimanermut inatsit iluarsaanneqarsinnaanersoq misissorneqarnissaa.

Illersornissamut Ministereqarfik, Statsministereqarfik, Namminersorlutik Oqartussaniit Ineqarnermut, Attaveqarnermut Angallanermullu Naalackersuisoqarfik, Aningaasaqarnermut Ministereqarfik, Inatsisinik atortitsinermit Ministereqarfik aamma Upalungaarsimanermut Aqutsisoqarfik suleqatigiissitamut ilaapput. Tamatuma saniatigut Kalaallit Nunaanni Politimesteri suleqatigiissitami ilaasortatut aalajangersimasutut ilaatinneqarpoq.

Suleqatigiissitap suliassa qarfinnut akisussaasuunerup aammalu upalungaarsimanermut ataatsimiititaliarsuarmut inatsisitigut tunngavissanik Kalaallit Nunaannut atuutsitsisoqalernissaanut isumaliutersuuteqarnerminut atatillugu inatsisitigut tunngavissat, Kalaallit Nunaanni upalungaarsimanermi akisussaaffiit pingaarnertit sullissinermilu akisussaaffiit, Kalaallit Nunaata Danmarkillu akornanni killeqarfinnut ajornartorsiutaasinnaasut, oqaluttuarisaanermut tunngasut aammalu suliassa qarfinni attuumassutilinni tamani upalungaarsimanermut pilersaarutit misissorpai.

Nassuiaatip, taamatullu nassuiaammut ingerlaavartumik ilaliunneqartartut suliarineqarneri, Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermit iliuusissat pillugit Inatsisartut inatsisaannut atuuttumut, 2010-mi Inatsisartut upernaakkut ataatsimiinneranni aalajangiiffigineqartumut tunngaviliipput.

Nassuiaatip inassuteqaatit uku imarai:

1. Kalaallit Nunaanni suliassa qarfinnut akisussaasuunermit tunngaviusup tamakkiisumik inatsisinillu tunngaveqartumik atuutsinneqalernissaa.
2. Sorsuttoqarnerani sorsuttoqarnissaanullu aarlerinartorsiortoqarnerani suliassa qarfinni Namminersorlutik Oqartussanit tiguneqareersimasuni pilersaarusiorsinnaanermut aalajangiisinnaatitaanerup Namminersorlutik Oqartussanit tiguneqarnissaa.
3. Naalagaaffimmi oqartussaasut Upalungaarsimanermut Ataatsimiititaliarsuarmi suleqataanerat isumaqatigiissusiornikkut pisortatigoortunngortinneqarnissaa, tamatumunngalu taarsiullugu Naalagaaffimmi oqartussaasut suleqataanerisa kalaallit upalungaarsimanermut inatsisissaanni nassuiarneqarnissaa eqqarsaatigineqarsinnaavoq.
4. Kalaallit upalungaarsimanermut pilersaarutaat upalungaarsimanermut inatsimmi inatsisiliuunneqassaaq.

Suleqatigiissitap sulinermit malitassaa Naalakkersuisuusimasunit akuerineqarpoq, sulinermilu malitassaq Kalaallit Nunaanni upalungaarsimanermut inatsit pillugit nassuiaammik kinguneqartinneqarpoq. Nassuiaat ilisimatitsissutitut Inatsisartuni ilaasortanut 25. april 2012-imi agguanneqarpoq.

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermit iliuusissat pillugit Inatsisartut inatsisaata nr. 14-ip, 26. maj 2010-meersup akuerineqarnerani Kalaallit Nunaanni upalungaarsimanermut inatsit pillugu nassuiaammi inassuteqaatit pingaarnerit inatsisiliornikkut isumaqatigiissusiornikkullu atuutsinneqalerput. Tamatuma kingorna qanoq ililluni sorsuttoqarneranut sorsuttoqarnissaanullu aarlerinartorsiornermut pilersaarusiornissamut aalajangiisinnaatitaaffik nuunneqarsinnaanersoq pillugu apeqqut kisinngoruppoq.

## **2. Siunnersuummi immikkoortut pingaarnerit**

### **1. Sorsuttoqarneranut upalungaarsimanermik pilersaarusiortarnerup tiguneqarnissaa**

**1.1.** Inuinnarnut upalungaarsimaneq pillugu inatsit nr. 342, 23. december 1959-imeersoq Kunngip peqqussutaatigut nr. 405-kkut, 20. december 1962-imeersukkut (matuma kingorna inatsit 1959-imeersoq) Kalaallit Nunaannut atuuttussanngortinneqarpoq. Peqqussutikkut inatsit annertunerusumik aalajangersaanertaqanngitsumik allannguinertaqanngitsumilluunniit Kalaallit Nunaannut atuutsinneqalerpoq. Inatsit upalungaarsimanermut inatsisip 1992-imi atuutilerneeratigut Danmarkimi atorunnaarsinneqarpoq, kisiannili Kalaallit Nunaanni atuutsiinnarneqarluni. Inatsit 1959-imeersoq illersornissap tamarmiusup ilaatut atuutsinneqarpoq, tassalu ajornartoornermi (sorsuttoqalernissaanut aarlerinartoqarneranik paasillugu) imaluunniit sorsuttoqarnerani suliassat aqqinneqartarnissaat siunertaralugu pisortani oqartussaasut pilersaarusiornissamut sulinissamullu akisussaaffeqarnerannut tunngasuulluni.

1959-imi inatsisip atuunneratigut, Kalaallit Nunaanni upalungaarsimanermut inatsisip atuuttut nassuiarneqarnerini sorsuttoqarnerani upalungaarsimaneq aamma sorsuttoqannginnerani upalungaarsimaneq immikkoortinneqartariaqarput.

## 1.2. Sorsuttoqannginnerani ajutoornissamut upalungaarsimanermik pilersaarusiortarneq

Suliassa qarfinnut akisussaasuunermut tunngaviusoq Danmarkimi aamma Kalaallit Nunaanni inuinnarnut sullissivinni upalungaarsimanermi sullissisut assigiinngitsut akornanni suliassanut akisussaaffiit agguarneqarnerini tunngavigineqarpoq. Upalungaarsimanermut pilersaarut inatsisit, Namminersorlutik Oqartussat Naalagaaffimmilu oqartussaasut pineqartut Kalaallit Nunaanni aqutsinermi tunngavigisaat malillugit naalackersuineri akisussaaffinnut ilaatinneqarput. Piffissami Namminersornerullutik Oqartussat/Namminersorlutik Oqartussat suliassa qarfimmik tigusiffigisaanni upalungaarsimanermi suliassat annertussusiisa suliassa qarfiup ilaatut naleqquttut isigineqarsinnaanerat malillugu, tamanna Namminersornerullutik Oqartussat/Namminersorlutik Oqartussat suliassa qarfinnik tigusinerisa peqatigisaanik sorsuttoqannginnerani upalungaarsimanermi suliassanik tigusisarnissaannut tunngavigineqarsinnaavoq.

## 1.3. Sorsuttoqarneranut upalungaarsimanerup pilersaarusiorneqarnera

Inatsimmi 1959-imeersumi ministerit ajornartoornermut sorsuttoqarneranullu pilersaarusiornissaannut pisussaaffiit aalajangersarneqarput. Inatsit malillugu sorsuttoqarnerani sorsuttoqalernissaanullu aarlerinartornerani Kalaallit Nunaanni suliassa qarfinnut tamanut pilersaarusiornissamut naalagaaffimmi oqartussaasut pisussaaffeqarput. Tamanna tunngaviusumik aamma suliassa qarfinnut Namminersorlutik Oqartussanit tiguneqarsimasunut atuuppoq.

Sorsuttoqarneranut pilersaarusiornissamut pisussaaffeqarneq Namminersornerullutik Oqartussat/Namminersorlutik Oqartussat suliassa qarfinnik tigusisarnerannut ilanngullugu nuunneqanngilaq, taamaattumillu pisussaaffeqarneq Namminersorlutik Oqartussanit tiguneqartussaassaaq, taamatullu Namminersorlutik Oqartussat – suliassa qarfinni Namminersornerullutik Oqartussanit tiguneqarsimasuni – suliassa qarfinnut akisussaasuunermut tunngaviusoq Danmarkimi atuuttoq, tamakkiisumik atuutsilissappassuk, inatsit 1959-imeersoq atorunnaarsinneqartussaassaaq.

Kalaallit Nunaanni upalungaarsimaneq pillugu inatsimmut nassuiaammi Kalaallit Nunaanni suliassa qarfinnut akisussaasuunermut tunngaviusup tamakkiisumik inatsisinillu tunngaveqartumik atuutsinneqalernissaa Suleqatigiissitap inassutigaa. Suliassa qarfinnut akisussaasuunermut tunngaviusoq paasineqassaaq tassaasoq oqartussaasut, suliffeqarfiup sullissi viilluunniit, ulluinnarni suliassa qarfimmut akisussaaffeqartup aamma annertunerusunik ajutoortoqartillugu ajunaarnersuaqartillugu suliassa qarfimmut akisussaaffeqarnerat. Akisussaasuunermut aamma nammineerluni akisusaaffigisap iluani immikkut ittumik pisoqartillugu suliassat ataannarnissaasa ingerlaqqinnissaasalu pilersaarusiornissaat ilaapput. Suliassa qarfinnut akisussaasuunermut tunngaviusoq tamakkiisumik atuutsinneqalersinnaassappat, Namminersorlutik Oqartussat sorsuttoqarneranut sorsuttoqarnissaanullu aarlerinartorsiornermut pilersaarusiornissamut piginnaatitaaffik tigusariaqarpaat.

Ajornartoornermi sorsuttoqarneraniluunniit suliassat isumagineqarnissaat siunertaralugu pilersaarusiortarneq, oqartussaasut ulluinnarni suliassanik isumaginnittarnerinut, kiisalu ajutoortoqarnerani ajunaarnersuaqarneranilu, ulluinnarni isumalluutit naammakkunnaartillugit suliassat pineqartut isumagineqarnerisa ingerlaannarnissaannut pilersaarusiortarnerinut qanittumik atasuuvoq. Suliassaqaqfinni Namminersorlutik Oqartussanit tiguneqareersimasuni pilersaarusiortarneq ataatsimut isigalugu ajutoortoqartillugu, ajunaarnersuaqartillugu sorsuttoqartilluguluunniit pisoq apeqqaatinnagu assigiinnassaaq.

Ulluinnarni aqutsinermi upalungaarsimanermi eqqarsaatigisassat pisariaqartut eqqarsaatigineqartassapput, taamaalilluni upalungaarsimanermi iliuusissat amerlanerpaat inuiaqatigiit aningaasaqarnerat eqqarsaatigalugu naleqquttumik naammassineqarsinnaassammata. Tamatumuunakkut upalungaarsimanermi ulluinnarni suliassat ajutoornernut annerusuniit ajunaarnersuarnut, tassungalu ilanngullugu sorsuttoqarneranut eqaatsumik nuunneqarsinnaalissapput. Taamaattumik iliuusissat, ulluinnarni isumalluutit naammakkunnaartillugit aallartinneqartussatut pilersaarutigineqartut ulluinnarni upalungaarsimanermik ineriartortitseqqiffiussapput, iliuusissanilu suliassat nalinginnaasut suliaqarfiillu pioreersut aallaavigineqartassapput. Tamatuma kingunerisaanik sorsuttoqannginnerata sorsuttoqarneratalu akornanni avissaartitsisarneq upalungaarsimanermik pilersaarusiornernut tunngavigineqartarunnaassaaq.

**1.4.** Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinerneq iliuusissat pillugit Inatsisartut inatsisaata allanngortinneqarnissaanik siunnersuut manna suleqatigiissitap Kalaallit Nunaanni upalungaarsimanermut inatsit pillugu nassuiaammi inassuteqaatai tunngavigalugit suliarineqarpoq, tassanilu suleqatigiissitap inassutai kingulliit naammassineqassapput, taamaalillunilu suliassaqaqfinni Namminersorlutik Oqartussanit tiguneqareersimasuni suliassaqaqfynn timer akisussaasuunermut tunngavimusuq tamakkiisumik Kalaallit Nunaanni atuutsinneqarsinnaalissaaq.

**1.5.** Inatsisissatut siunnersuummi matumani siunnersuutigineqarpoq, inuinnarnut upalungaarsimaneq pillugu Inatsisip nr. 342-p, 23. december 1959-imeersup Kalaallit Nunaanni atuuttussanngortinneqarnera pillugu Kunngip peqqussutaa nr. 405, 20. december 1962-imeersuq suliassaqaqfynn timer Kalaallit Nunaanni Namminersorlutik Oqartussanit tiguneqareersimasunut atuukkunnaassasuq. Inuinnarnut upalungaarsimaneq pillugu inatsit 1992-imi upalungaarsimanermut inatsisip akuerineqarnerani Danmarkimi atorunnaarsinneqarpoq, kisiannili suli Kalaallit Nunaannut atuulluni.

Inuinnarnut upalungaarsimaneq pillugu inatsisip Kalaallit Nunaanni atuutsinneqalernissaa pillugu Kunngip peqqussutaat tamakkiisumik atorunnaarsinneqarsinnaanngilaq, inatsit suliassaqaqfinni, Namminersorlutik Oqartussanit tiguneqarsimannigitsuni sorsuttoqarneranut ajornartoornermullu pilersaarusiornissamut naalagaaffimmi oqartussaasut pisussaatitaaffeqarnerannik imaqarmat. Kalaallit Nunaanni suliassaqaqfinni, naalagaaffimmi oqartussaasut ataanni ingerlanneqaannartuni sorsuttoqarneranut ajornartoornermullu pilersaarusiornissamut naalagaaffimmi oqartussaasut akisussaaffeqaannarnissaannut

inatsisitigut tunngavissamik pilersitsisoqarpat, peqqussut aatsaat tamakkiisumik atorunnaarsinneqarsinnaavoq. Upalungaarsimanermut inatsimmi § 24-p (Danmarkimi suliassa qarfinnut akisussaasuunermut tunngaviusumik inatsisitigut tunngavisiisoq) Kalaallit Nunaannut atuutsinneqalernissaa tulluarnepaajusoq upalungaarsimanermut inatsit pillugu suleqatigiissitamit nalilerneqarpoq. § 24-ip Kalaallit Nunaannut atuutsinneqalernissaanut, danskit upalungaarsimanermut inatsisaanni § 82-ip allanngortinneqarnissaa, taamatullu § 24-ip Kunngip peqqussutaatigut Kalaallit Nunaannut atuutsinneqalernissaa pillugu Inatsisartut oqaaseqaataannik pissarsiniarnissaaq pisariaqarpoq. Illersornissamut Ministereqarfimmit ilisimatitsissutigineqarpoq, upalungaarsimanermut inatsimmi § 24-p Kalaallit Nunaanni atuutsinneqalernissaanut danskit upalungaarsimanermut inatsisaanni allannguutissat pisariaqartut upalungaarsimanermut inatsisip tullianik iluarsaanneqarneranut atatillugu danskit upalungaarsimanermut inatsisaannut ilanngunneqassasut. Taamaalilluni naalagaaffimmi oqartussaatur inuiaqatigiinni suliassa qarfinni upalungaarsimanermi, suliassa qarfinni naalagaaffimmi oqartussaasut ataanni inissisimasuni naalagaaffimmi oqartussaasut sorsuttoqarneranut ajornartoornermullu pilersaarusiornissamut piginnaatitaaffimmik (ingerlatitseqqillutik) isumagisaqarnissamut nalinginnaasumik tunngavissinneqassapput.

Kalaallit Nunaanni Namminersorneq pillugu inatsit nr. 473, 12. juni 2009-meersoq (namminersornermut inatsit) aqutigalugu namminersornerulernermut inatsisit namminersornermik aaqquissuussinermiit taarserneqarpoq. Namminersornermut inatsimmi § 4 naapertorlugu suliassa qarfiit taamaallaat kalaallit susassa qarfiinut tunngasuteqartut, aammalu ilaliussami taaneqanngitsut Namminersorlutik Oqartussanit tiguneqarsinnaanerat Naalakkersuisut Naalagaaffiullu akunnerminni isumaqatigiissutigisinnaavaat. Kalaallit Nunaanni Namminersorneq pillugit inatsisissatut siunnersuummut nassuiaatini allassimavoq, suliassa qarfiit minnerusut, namminersornermut inatsimmut ilaliussanut ilanngunneqanngitsut, aammalu § 4 naapertorlugu tiguneqarsinnaasut arlaqartut.

Sorsuttoqarneranut sorsuttoqarnissaanullu aarlerinartorsiornermut pilersaarusiornissamut aalajangiisinnaatitaaffiup tiguneqarnissaa, suliassa qarfiit Naalakkersuisut Naalagaaffiullu akunnerminni isumaqatigiissutigisinnaasaannut ilaavoq. Illersornissamut Ministereqarfiup Statsministereqarfik suleqatigalugu isumaqatigiissusiassamut missingersuummik suliaraqarpoq, taamaalillunilu sorsuttoqarneranut imaluunniit sorsuttoqarnissaanut aarlerinartoqarneranut inuiaqatigiinni suliassa qarfinni pilersaarusiornissamut piginnaatitaaffik Kalaallit Nunaanni Namminersorlutik Oqartussanit tiguneqarsinnaalissaaq. Inatsisartut inatsisissaattut siunnersuutip matuma akuerineqarneranut peqatigitillugu, suliassa qarfinni Namminersorlutik Oqartussanit tiguneqarsimasuni sorsuttoqarneranut aamma sorsuttoqarnissaanut aarlerinartoqarneranut pilersaarusiornissamut piginnaatitaaffiup tiguneqarnissaa pillugu Naalakkersuisut isumaqatigiissuteqarnissaat Inatsisartunit akuerineqassaaq.

Sorsuttoqarneranut sorsuttoqarnissaanullu aarlerinartorsiornermut pilersaarusiornissamut aalajangiisinnaatitaaffiup tiguneqarnissaa Naalakkersuisut Naalagaaffiullu akunnerminni isumaqatigiissutigisinnaappassuk, inuinnarnut upalungaarsimaneq pillugu Inatsisip nr. 342-p,

23. december 1959-imeersup Kalaallit Nunaanni atuuttussanngortinneqarnera pillugu Kunnigip peqqussutaanik nr. 405-mik, 20. december 1962-imeersumik suliaasaqarfinni Namminersorlutik Oqartussanit tiguneqareersimasuni atorunnaartitsisinnaanermut piginnaatitaaffik Inatsisartuniilissaaq, namminersoneq pillugu inatsimmi § 28-mi allassimammat, aalajangersakkat Kalaallit Nunaannut atuuttut namminersornermut inatsisip atuutilernerani allannguutaasut ilanngullugit oqartussaasunit eqqortunit allanngortinneqarnissamik imaluunniit atorunnaarsinneqarnissamik tungaanut atuutiinnartussaasut. Kiisalu namminersoneq pillugu inatsisip piareersarneqarnerani § 28-mi allassimavoq, oqartussaasut eqqortut tassaasut, oqartussaasut sukkulluunniit suliaasaqarfimmi pineqartumi maleruagassanik aalajangersaanissamut piginnaatinneqartut.

<b>Inatsisartut inatsisissaattut siunnersuutit inatsisinut maannakkut atuuttunut sanilliunneqarneri</b>	
<i>Oqaasertaliussaq atuuttoq</i>	<i>Inatsisartut inatsisissaattut siunnersuut</i>
	<b>§ 1</b>  Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaanni nr. 14-imi, 26. maj 2010-meersumi imatut allannguisoqassaaq:
<b>§ 1.</b> Kommunit annaassiniarnissamut upalungaarsimasuutitanik pilersitsissapput, taakkua suliaassarissalugu ajutoornerni ajunaarnersuarnilu, imaluunniit taamaattoqarnissaanik annertuumik aarlerinartorsiornermi inuit, pigisat avatangiisillu ajoqusernissaannik pitsaaliuinissaq, killilersimaartitsinissaq ikiorsiinissarlu. Annaassiniarnissamut upalungaarsimasuutitat suliaassat oqartussanit allanit isumagineqartussat suliaassarinnigilaat.	<b>1. § 1</b> imatut oqaasertalerneqassaaq: ” <b>§ 1.</b> Kommunit annaassiniarnissamut upalungaarsimasuutitanik pilersitsissapput, taakkua suliaassarissalugu ajutoornerni ajunaarnersuarnilu, tassungalu ilanngullugu sorsuttoqarnerani, tamatumunngaluunniit annertuumik ulorianartorsiortoqarnerani, imaluunniit taamaattoqarnissaanik annertuumik aarlerinartorsiornermi inuit, pigisat avatangiisillu ajoqusernissaannik pitsaaliuinissaq, killilersimaartitsinissaq ikiorsiinissarlu. Annaassiniarnissamut upalungaarsimasuutitat suliaassat oqartussanit allanit isumagineqartussat suliaassarinnigilaat.”
<b>§ 10.</b> Annaassiniarnissamut	<b>2. § 10, imm. 1,</b> imatut oqaasertalerneqassaaq:

<p>upalungaarsimasut ajutoornermik ajunaarnersuarmilluunniit pisoqartillugu, kiisalu nunami akuutissanik ulorianartunik tassanngaannartumik ajutoortoqartillugu ikuallattoornissamut, inuit, pigisat avatangiisillu ajoqusernissaannut isumannaatsumik suliniuteqarsinnaassapput. Annaassiniarnissamut upalungaarsimasut aamma qimarngussat navialisullu allat tigooqqarneqarnerini, inissikkallarneqarnerini isumassorneqarnerinilu isumaginninnermi oqartussaasunut ikiuuttassapput.</p>	<p>”<b>10.</b> Annaassiniarnissamut upalungaarsimasut ajutoortoqarnerani ajunaarnersuaqarneranilu, ilanngullugit sorsuttoqarnera, kiisalu nunami akuutissanik ulorianartunik tassanngaannartumik ajutoortoqarnerani, ikuallattoqarneranut, inuit, pigisat avatangiisillu ajoquserneqarnerannut isumannaatsumik suliniuteqarsinnaassapput. Annaassiniarnissamut upalungaarsimasut aamma qimarngunneqartut allallu ajornartoortut ikiorniarsinnaanissaannut, unnuisarfimmiitissinnaanissaannut nerisaqartissinnaanissaannillu isumaginninnermut oqartussaasunut ikiuuttissapput.”</p>
<p><i>Imm. 3.</i> Annaassiniarnissamut upalungaarsimasut ajutoortoqarnera imaluunniit ajunaarnersuarmik pisoqarnera pissutigalugu pisariaqalerpat kommunip allap, Statens Luftfartsvæsen-ip (RCC), Grønlands Kommando-p (MRCC) imaluunniit politiit tamatuminnga kissaateqarnerat tunngavigalugu pisariaqartunut ikiuuttissapput.</p>	<p><b>3. § 10, imm. 3,</b> imatut oqaasertalerneqassaaq:  ” <i>Imm. 3.</i> Naalakkersuisut, kommunip allap, Statens Luftfartsvæsen-ip (RCC), Grønlands Kommando-p (MRCC) imaluunniit politiit kissaateqarneranni annaassiniarnissamut upalungaarsimasut ajutoorneq, ajunaarnersuaq sorsuttoqarneraluunniit pissutigalugu pisariaqartinneqartunik ikiuuttissapput.”</p>
<p><b>§ 20.</b> Naalakkersuisuni ilaasortat ataasiakkaat tamarmik immikkut ajutoortoqartillugu ajunaarnersuaqartillugulu suliassa qarfirmik iluanni inuiaqatigiinni atuuffiit attatiinnarnissaat ingerlaqqinnissaallu pilersarusiussavaat.</p>	<p><b>4. § 20, imm. 1,</b> imatut oqaasertalerneqassaaq:  ”<b>20.</b> Naalakkersuisuni ilaasortat ataasiakkaat tamarmik immikkut ajutoortoqartillugu, ajunaarnersuaqartillugu sorsuttoqartillugulu suliassa qarfirmik iluanni inuiaqatigiinni atuuffiit attatiinnarnissaat ingerlaqqinnissaallu pilersarusiussavaat.”</p>
	<p style="text-align: center;"><b>§ 2</b></p> <p>Inatsisartut inatsisaat manna Naalakkersuisut tamanna pillugu nalunaarusiornerini atuutilissaaq. Inatsisartut</p>

	<p>inatsisaat Naalakkersuisut aamma danskit naalakkersuisuisa akornanni isumaqatigiissuteqartoqaqqaanngippat atuutilersinnaanngilaq.</p> <p><i>Imm. 2.</i> Inatsisartut inatsisaata matuma atuutilerneranut peqatigitillugu, suliassaqarfinnut Namminersorlutik Oqartussanit tiguneqareersimasunut atuuttunut, inuinnarnut upalungaarsimaneq pillugu inatsisip nr. 342-p, 23. december 1959-imeersup, Kalaallit Nunaannut atuutsinneqalernera pillugu Kunngip peqqussutaa nr. 405, 20. december 1962-imeersoq kiisalu suliaqarnerit pingaarnerutinneqartut pillugit nalunaarut nr. 331, 14. maj 1990-imeersoq atorunnaarpoq, kiisalu suliffeqarfiit pingaarnerutinneqartut pillugit Nalunaarut nr. 331, 14. maj 1990-imeersoq, suliassaqarfinnut Namminersorlutik Oqartussanit tiguneqarsimanngitsunut, atorunnaarsinneqarnissamik imaluunniit inatsisitigut allangortinneqarnissamik tungaanut, atuutiinnassaaq.</p>
--	---

### 3. Pisortanut aningaasaqarnikkut allaffissornikkullu sunniutaasussat

Naliliineq malillugu sorsuttoqarneranut sorsuttoqarnissaanullu aarlerinartoqarneranut pilersaarusiorderup akisussaaffigineqalernissaa pisortanut aningaasaqarnikkut imaluunniit allaffissornikkut sunniuteqassanngilaq. Isumalluutit, ajutoortoqarnerata ajunaarnersuaqarnerataluunniit kingunerisaanik ajoqusikkanut assigiinngitsunut suliniuteqarnermi atorneqartussat annertunerpaamik tassaapput, isumalluutit sorsuttoqarnerata sorsuttoqarnissaanulluunniit aarlerinartoqarnerata kingunerisaanik ajoqusikkanut assigiinngitsunut suliniuteqarnermi atorneqartussat. Suliassat kommunimi upalungaarsimasunit isumagineqartussat najukkani pissutsit aallaavigalugit naliliiffigineqartariaqarput. Attaveqaateqarneq, imermik pilersuineq, umiarsualiveqarneq mittarfeqarnerlu il.il. kommunit najukkani ulorianartorsiorfusinnaasunik, sorsuttoqarneranut sorsuttoqarnissaanullu aarlerinartoqarneranut pilersaarusiordermi immikkut ittumik ulorianartorsiorfusunik nalilersueqqissaarnerinut ilaatinneqartassapput. Kalaallit Nunaanni illoqarfiit nunaqarfiillu avinngarusimallutik inissisimasarmata, amerlanerpaartaallu taamaallaat immakkut silaannakkulluunniit tikinneqarsinnaasarmata, tamarmik kommunini upalungaarsimanermit pilersaarutini maannakkut atuuttuni ilaatinneqartariaqarput.



Ulluinnarni upalungaarsimanermi suliassat annaassiniarnissamut upalungaarsimanermut tunngaviupput, tassalu sorsuttoqarnerani suliassat ulluinnarni sulianut nangitsissutaassapput, ajornartoornermi sorsuttoqarneraniluunniit tunngaviusunik allannguuteqartinneqarlutik. Tamanna tunngavigalugu sorsuttoqarneranut sorsuttoqarnissaanullu aarlerinartoqarneranut pilersaarusiornissamut piginnaatitaaffiup tiguneqarnissaa siunnersuutigineqarpoq, taamaalillunilu annaassiniarnissamut upalungaarsimanermut pilersaarummik ataatsimoortumik suliaqartoqarsinnaalissaaq, ajoqusikkanut, annaassiniarnissamut upalungaarsimasut suliniuteqarfissaannut pisunut suna peqqutaanersoq apeqqutaatinnagu.

Naliliineq malillugu sorsuttoqarneranut sorsuttoqarnissaanullu aarlerinartoqarneranut pilersaarusiornissamut piginnaatitaaffiup tiguneqarnissaa kommuninut, Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaata nr. 14-ip, 26. maj 2010-meersup atuutilerneranut atatillugu kommuninut aningaasat tunniunneqartut saniatigut iluarsiiiffigineqartunut, aningaasaqarnikkut allaffissornikkulluunniit artukkiissanngilaq. Ukiumut missingersuusiorfiusumut 2011-mut kommuninut ataatsimoortumik tapiissutit pillugit isumaqatigiissusiornermi, Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaata nr. 14-ip, 26. maj 2010-meersup atuutilerneranut atatillugu aningaasartuutitut kommunit iluarsiiiffigineqarput, taakkunungalu kommunini upalungaarsimanermut pilersaarusiorneq, aamma kommunini qatserisartut pisortaasa upalungaarsimanermut pisortanut qaffatsinneqarneri, kiisalu upalungaarsimanermi sungiusarnerit ingerlanneqarnerinut aningaasartuutit ilaapput. Upalungaarsimanermut pisortat iliuuseqarnermullu pisortat ikiortaasut kommunini upalungaarsimanermut pilersaarusiornissamut 2011-mi pikkorissartinneqarput, tassani ilaalluni najukkami aarlerinaataasut paasiniartarnissaat, tassanilu kommunini upalungaarsimanermut pilersaarusiornissanut tamaginnut malitassanut tunngaviusussaq suliarineqarpoq. Ajoraluartumik kommunit arlaannaalluunniit suli kommunini upalungaarsimanermut pilersaarusiarninnik, § 21, imm. 1 naapertorlugu upalungaarsimanermut ataatsimiititaliarsuarmut tusarniaassutigineqartussanik, imaluunniit § 21, imm. 3 naapertorlugu Naalakkersuisunut akuersissutigitinneqartussanik naammassisaqarsimangillat nassiussisimanatilluunniit.

#### **4. Inuussutissarsiornermut aningaasaqarnikkut allaffissornikkullu sunniutaasussat**

Naliliineq malillugu siunnersuut inuussutissarsiornermut aningaasaqarnikkut imaluunniit allaffissornikkut sunniuteqassanngilaq.

#### **5. Avatangiisinut, pinngortitamut inuillu peqqissusiannut sunniutaasussat**

Naliliineq malillugu siunnersuut avatangiisinut, pinngortitamut inuillu peqqissusiannut sunniuteqassanngilaq.

#### **6. Innuttaasunut sunniutaasussat**

Naliliineq malillugu siunnersuut innuttaasunut sunniuteqassanngilaq.

### **7. Naalagaaffimmi oqartussaasunut sunniutaasussat**

Naliliineq malillugu Inatsisartut inatsisaata allanngortinneqarnissaanik siunnersuut upalungaarsimanermi suliniutissanik pilersaarusiornissamut ingerlatsinissamulluunniit, kiisalu sakkutuut iliuusissaannut aallarniutaasunut aammalu sorsuttoqarnerani suliassat isumagineqarnissaannut piareersarnermut atatillugu sakkutuut suliaannik allanngortitsissanngillat. Erseqqissaatigineqassaaq, siunissami aamma inuinnarni oqartussaasut sakkutuullu akornanni suleqatigiinnerup pisortatigoortunngortinnissaa pisariaqartussaammat. Ajutoornernut ajunaarnersuarnullu atatillugu taamatut suleqatigiinnermik ingerlatsisoqareerpoq, aamma Illersornissamut Ministereqarfiup tusarniaanermi akissuteqaammuni ilisimatitsissutigaa, taanna ataatsimut isigalugu ajornartoornermut sorsuttoqarneranullu ingerlateqqinneqarsinnaasutut naliliiffigineqartoq.

### **8. Sunniutasussat annertuut allat**

Naliliineq malillugu siunnersuut allanik annertuunik sunniuteqassanngilaq.

### **9. Oqartussaasunut aaqqissuussaanernullu tusarniaaneq**

Siunnersuut piffissami 27. junimiit 11. juli 2012-imut tusarniaassutigineqarpoq. Siunnersuutip tusarniaassutigalugu nassiuuneqarnissaa sioqqullugu tusarniaanermut piffissaliussap sapaatit akunnerinik marlunnik sivisussuseqarnissaa KANUKOKA-p akueraa. Siunnersuut tusarniaaffiusunut ukununnga tusarniaassutigineqarpoq: Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik, Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfik, Inuussutissarsiornermut Suliffeqarnermullu Naalakkersuisoqarfik, Aatsitassanut Ikummatissanullu Pisortaqarfik, Ilinniartitaanermut Ilisimatusarnermullu Naalakkersuisoqarfik, Peqqissutsimut Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Nunamut Namminermut, Pinngortitamut Avatangiisinullu Naalakkersuisoqarfik, Nunanut Allanut Pisortaqarfik, Nakorsaaneqarfik, Kalaallit Nunaanni Qatserisartut Atuarfiat, KANUKOKA, Mittarfeqarfiit, Nukissiorfiit, Royal Arctic Line A/S, Grønlands Kommando aamma Nunatsinni Advokatit. Tamatuma saniatigut siunnersuut Kalaallit Nunaanni upalungaarsimanermut inatsit pillugu nassuiaammut tunngatillugu Suleqatigiissitami naalagaaffimmi oqartussaasunut ilaasortaasunut tusarniaassutigineqarpoq: Illersornissamut Ministereqarfik, Statsministereqarfik, Aningaasaqarnermut Ministereqarfik, Inatsisinik Atortitsinerneqarfik Ministereqarfik aamma Upalungaarsimanermut Aqutsisoqarfik kiisalu Kalaallit Nunaanni Politimesteri, suleqatigiissitami ilaasortatut aalajangersimasutut ilaatinneqarsimasoq.

### **10. Tusarniaanermi akissuteqaatit**

Tusarniaanermut akissuteqaat makkunangga tiguneqarpoq: Peqqissutsimut Naalakkersuisoqarfik, Inuussutissarsiornermut Suliffeqarnermullu Naalakkersuisoqarfik,

Nunanut Namminermut, Pinngortitamut Avatangiisinullu Naalakkersuisoqarfik, Nunanut Allanut Pisortaqaarfik, Nakorsaaneqarfik, KANUKOKA (Kommuneqarfik Sermersooq, Qeqqata Kommunian, Qaasuitsup Kommunian aamma Kommune Kujalleq ilanngullugit), Kalaallit Nunaanni Politimesteri, Kalaallit Nunaanni Rigsombudsmandi, Aningaasaqarnermut Ministereqarfik, Inatsisinik Atortitsinermit Ministereqarfik, Illersornissamut Ministereqarfik aamma Statsministereqarfik.

Tusarniaaffiusut makkua allapput Inatsisartut inatsisissaattut siunnersuummut oqaaseqaatissaqaratik: Inuussutissarsiornermut Suliffeqarnermullu Naalakkersuisoqarfik, Nunanut Allanut Pisortaqaarfik, Inatsisinut Atortitsinermit Ministereqarfik, Nakorsaaneqarfik aamma Aningaasaqarnermut Ministereqarfik.

Tulliuttuni tusarniaanermut akissuteqaatit aammalu avammut tusarniaanerup nalaani allannguutissatut siunnersuutit tiguneqartut sammineqarput. Oqaatigineqassaaq tusarniaanermut akissuteqaatit uingasumik allanneqartut, taamaallaat pingaaruteqarnerannik naliliineq tunngavigalugu pingaarnersiorlugit issuarneqarmata. Tusarniaanermut akissuteqaatit tamarmik tamakkiisunngorlugit Inatsisartuni ataatsimiititaliamut sularinnittussamut nassiunneqarput.

KANUKOKA tusarniaanermut akissuteqaammuni allappoq:

*”Sorsuttoqarnerata nalaani upalungaarsimanissamut tunngasumik pilersaarusiortarnerup angerlanneqarnissaa pillugu.*

*Tassani KANUKOKA-p oqaatigissavaa upalungaarsimanissamut tunngasumik pilersaarutaareersup allannguuteqartinneqartariaqarmata, tamatumalu saniatigut ilinniartitaanernut sungiusartarnernullu tunngatillugu akisussaaaffinnik nutaanik aaqqissuussisoqartariaqassammat. Suliassat nutaat uani pineqartut aaqqissuunneqarnerisa nalaanni kommuninut aningaasartuuteqarnerunissaq pisariaqassaaq, taakkualu 2012-imi ataatsimoortumik kommuninut tapiissutissat isumaqatigiinniutigineqarneranni ilaatinneqartariaqassapput, aningaasartuutaasut kommunit naliliineri naapertorlugit aallaavigalugit annertussusilerneqartunik.*

Isumalluutit, ajutoortoqarnerata ajunaarnersuaqarnerataluunniit kingunerisaanik ajoqusikkanut assigiinngitsunut suliniuteqarnermi atorneqartussat annertunerpaamik tassaapput, isumalluutit sorsuttoqarnerata sorsuttoqarnissaanulluunniit aarlerinartoqarnerata kingunerisaanik ajoqusikkanut assigiinngitsunut suliniuteqarnermi atorneqartussat. Suliassat kommunimi upalungaarsimasunit isumagineqartussat najukkani pissutsit aallaavigalugit naliliiffigineqartariaqarput. Attaveqaateqarneq, imermik pilersuineq, umiarsualiveqarneq mittarfeqarnerlu il.il. kommunit najukkani ulorianartorsiorfiusinnaasunik, sorsuttoqarneranut sorsuttoqarnissaanullu aarlerinartoqarneranut pilersaarusiortarnermi immikkut ittumik ulorianartorsiorfiusunik nalilersueqqissaarnerinut ilaatinneqartassapput. Kalaallit Nunaanni illoqarfiit nunaqarfiillu avinngarusimallutik inissisimasarmata, amerlanerpaartaallu

taamaallaat immakkut silaannakkulluunniit tikinneqarsinnaasarmata, tamarmik kommunini upalungaarsimanermut pilersaarutini maannakkut atuuttuni ilaatinneqartariaqarput.

Ulluinnarni upalungaarsimanermi suliassat annaassiniarnissamut upalungaarsimanermut tunngaviupput, tassalu sorsuttoqarnerani suliassat ulluinnarni sulianut nangitsissutaassapput, ajornartoornermi sorsuttoqarneraniluunniit tunngaviusunik allannguuteqartinneqarlutik. Tamanna tunngavigalugu sorsuttoqarneranut sorsuttoqarnissaanullu aarlerinartoqarneranut pilersaarusiornissamut piginnaatitaaffiup tiguneqarnissaa siunnersuutigineqarpoq, taamaalillunilu annaassiniarnissamut upalungaarsimanermut pilersaarummik ataatsimoortumik suliaqartoqarsinnaalissaaq, ajoqusikkanut, annaassiniarnissamut upalungaarsimasut suliniuteqarfissaannut pisunut suna peqqutaanersoq apeqqutaatinnagu.

Naliliineq malillugu sorsuttoqarneranut sorsuttoqarnissaanullu aarlerinartoqarneranut pilersaarusiornissamut piginnaatitaaffiup tiguneqarnissaa kommuninut, Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaata nr. 14-ip, 26. maj 2010-meersup atuutilerneranut atatillugu kommuninut aningaasat tunniunneqartut saniatigut iluarsiiiffigineqartunut, aningaasaqarnikkut allaffissornikkulluunniit artukkiissanngilaq. Ukiumut missingersuusiorfiusumut 2011-mut kommuninut ataatsimoortumik tapiissutit pillugit isumaqatigiissusiornermi, Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaata nr. 14-ip, 26. maj 2010-meersup atuutilerneranut atatillugu aningaasartuutitut kommunit iluarsiiiffigineqarput, taakkunungalu ilaapput kommunini upalungaarsimanermut pilersaarusiorneq, aamma kommunini upalungaarsimanermut pilersaarusiortarneq aamma kommunini qatserisartut pisortaasa upalungaarsimanermut pisortanut qaffatsinneqarnissaat, kiisalu upalungaarsimanermi sungiusarnerit ingerlanneqarnerinut aningaasartuutit. Upalungaarsimanermut pisortat iliuuseqarnermullu pisortat ikiortaasut kommunini upalungaarsimanermut pilersaarusiornissamut 2011-mi pikkorissartinneqarput, tassani ilaalluni najukkami aarlerinaataasut paasiniartarnissaat, tassanilu kommunini upalungaarsimanermut pilersaarusiornissanut tamaginnut malitassanut tunngaviusussaq suliarineqarpoq. Ajoraluartumik kommunit arlaannaalluunniit suli kommunini upalungaarsimanermut pilersaarusiarnikkut, § 21, imm. 1 naapertorlugu upalungaarsimanermut ataatsimiititaliarsuarmut tusarniaassutigineqartussanik, imaluunniit § 21, imm. 3 naapertorlugu Naalakkersuisunut akuersissutigineqartussanik naammassisaqarsimanngillat nassiussisimanatilluunniit.

Kommunini aarlerinartoqarneranik tunngaveqartumik annertussusiliinermik atuutsitsilernissaq pillugu KANUKOKA tusarniaanermut akissuteqaammuni allappoq:

*Ataatsimut isigalugu KANUKOKA isumaqarpoq inatsisissatut siunnersuummi nalorninartut tusarniaanermi maanna sivikitsuusumi qulakkeerneqartariaqartut amerlavallaartut, tassunga aamma ilanngullugit aningaasaqarnermut tunngassuteqartut erserlunernerat, taamaattumillu erserlulluni piffissami matumani kommunit akisussaaffimmik pineqartumik*

*tigusaqarsinnaanersut. KANUKOKA-p inassutigaa inatsisissatut siunnersuummi aarlerinartoqarneranik tunngaveqartumik upalungaarsimanissamut inatsisissatut siunnersuutip immikkoortua siunnersuummiit peerneqarallassoq, kingusinnerusukkullu suliarineqarluni.*

*KANUKOKA isumaqarpoq inatsisissatut siunnersuummi oqaasertaliussani imminnut assortuuttoqartoq, allanneqarmat "Nalakkersuisut upalungaarsimanermi pilersaarutitut nakkutilliisuupput ..." aammalu § 1 imm. 5-imi allassimalluni "Nalakkersuisut pilersaarutit akuersissutigisassavaat".*

*KANUKOKA isumaqarpoq nalornissutaasinnaasut aamma upalungaarsimanerup annertussusissaa pillugu akuersissuteqartarnermut immikkut aalajangersagaqartariaqartoq, taamalu upalungaarsimanissamut pilersaarutit annertussusissaat akuersissutigeriigaq upalungaarsimanissamut pilersaarummut ilaareertarluni, taakkua tusarniaassutigineqannginneranni."*

Matuma siuliani taaneqartutut upalungaarsimanermut pisortat iliuuseqarnermilu pisortat ikiortaasut 2011-mi kommunini upalungaarsimanermut pilersaarusiornissamut pikkorissartinneqarput, taakkununggalu najukkani ulorianartorsiorfiusinnaasunik paasiniaanissaq ilaapput, kommuninilu tamani upalungaarsimanermut tunngaviumik malitassaq suliarineqarpoq. Pikkorissartitsinermi taaneqartumi tassani aamma kommunini sullissinerup qaffasissusissaata misissorneqarnissaanut kommunalbestyrelsip isummernissaanut tunngavissiaq upalungaarsimanermut pisortanit suliarineqarpoq.

Naalakkersuisoqarfik naliliivoq, annaassiniarnissamut upalungaarsimasut annertussusilerneqarnissaat kommunini najukkani aalajangerneqassasoq, tamatumalu saniatigut ulorianartorsiorfiusinnaasunik nalilersueqqissaarneq, najukkani ulorianartorsiorfiusinnaasut suunerinik aalajangersaaffiusoq misissueqqissaarfiusorlu tunngavigalugu annertussusissat aalajangersarneqartassasut. Tamatuma peqatigisaanik kommunit suliassamut tassunga suli "naammattumik nukissaqartutut" misigisimannginnerinut Naalakkersuisoqarfik paasinnilluarpoq. Tamatumunnga atatillugu kommunini annaassiniarnissamut upalungaarsimasut ulorianartorsiorfiusinnaasut tunngavigalugit annertussusilerneqartarnerinik atuutsitsilernissap kinguartinneqarnissaa KANUKOKA-mit qinnutigineqarpoq.

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuineri iliuusissat pillugit Inatsisartut inatsisaata nr. 14-ip, 26. maj 2010-meersup atuutilerneranit ukiut marluk qaangiunnerini kommunit suli inatsisit malillugit upalungaarsimanermut pilersaarusiortussaanerisa naammassineqarsimannginnera eqqarsaatigalugu, tamanna kommunini allaffissornikkut kingaalaartitsinermik pissuteqarpoq, tamannalu kommunit maannakkorpiaq annaassiniarnissamut upalungaarsimasunik naleqqusaanissamut/annertussusiliinissamut akisussaaffimmik tigusinissaannut akornutaasooq Naalakkersuisut naliliipput. Tamanna pissutigalugu ulorianartorsiorfiusinnaasut tunngavigalugit annertussusiliisarnermut atuutsinneqalernissaa pillugu Naalakkersuisut,

kommunit ataasiakkaat aamma KANUKOKA-p akornanni isumaqatigiissuteqartoqannginnerani, kommunini annaassiniarnissamut upalungaarsimasut annertussusilerneqarnissaasa ulorianartorsiorfiusinnaasullu tunngavigalugit annertussusiliisarnerup atuutsinneqalernissaata oqallisigineqareernissaata, ilinniartitsinerillu pisariaqartinneqartut aalajangersarneqaqqinnissaasa tungaannut, annaassiniarnissamut upalungaarsimasut annertussusilerneqarnissaannut akisussaaffiup tiguneqarnissaa, tassungalu ilanngullugu ulorianartorsiorfiusinnaasut tunngavigalugit annertussusiliisarnerup atuutsinneqalernissaa kinguartinneqassasoq pillugu KANUKOKA-p qinnuteqaataa Naalakkersuisut akueraat.

KANUKOKA § 7-imut tunngatillugu tusarniaanermut akissuteqaammini allappoq:

*”§ 7-itut aalajangersakkami nutaami upalungaarsimanermut pisortaasup qatserisarnermi teknikimut tunngasunik suliaqartartutut ilinniagaqarsimasuunissaanik aalajangersagaq peerneqarsimavoq. Kanukoka isumaqarpoq aalajangersagaq taanna inatsimmi nutaami attatiinnarneqartariaqartoq.”*

§ 7-ip allanngortinneqarnissaanut siunnersuut ulorianartorsiorfiusinnaasut tunngavigalugit annertussusiliisarnerup atuutsinneqalernissaanut qanittumik attuumassuteqarpoq. Annaassiniarnissamut upalungaarsimasut annertussusilerneqartarnerinut, tassungalu ilanngullugu ulorianartorsiorfiusinnaasut tunngavigalugit annertussusiliisarnermut akisussaaffiup tiguneqarnissaata, kommunini annaassiniarnissamut upalungaarsimasut annertussusilerneqarnissaat aammalu ulorianartorsiorfiusinnaasut tunngavigalugit annertussusiliisarnerup atuutsinneqalernissaa pillugu Naalakkersuisut, kommunit ataasiakkaat aamma KANUKOKA-p akornanni oqallisigeqqinneqareernissaata tungaanut kinguartinneqarnerisa kingunerisaanik, aamma § 7-ip allannguutissaatut siunnersuut kinguartinneqassaaq.

Kommuneqarfik Sermersooq allappoq:

*”Inatsisissatut siunnersuummi immikkoortunut ersarinngitsunut arlalinnut paasiniaanissamut, aammalu kommunit suliassanik isumaginninnissamut piareersimanerannut, imaluunniit tamanna annaassiniarnissamut upalungaarsimasunut aningaasaqarnikkut qanoq sunniuteqarsinnaaneranut tutsuiginartumik akissuteqarnissamut tusarniaanermi piffissarititaasoq sivikippallaarpoq.*

*Kommunini assigiinngitsuni annaassiniarnissamut upalungaarsimasut sorsuttoqarnerani suliniuteqarnermik misilittagaqanngillat, taamaattumillu upalungaarsimanermut pilersaarutit allanngortinnissaannut ilanngussuinissamullu isumalluutissarpaaluit atorineqartussaapput. Tamatuma saniatigut akisussaaffeqarfii nutaat upalungaarsimanermi sulisut ilinniartitaanerannut sungiusarnerannullu ilanngunneqarnissaat pisariaqartussaavoq. Tusarniaanermi piffissarititaasup sivikinnera pissutigalugu suliassat nutaat pingaartumik atulersitsinerup ingerlanneqarnerani qanoq annertutigisumik kommuninut aningaasartuutaanerussanersut naliliiffigissallugit ajornarpoq.”*

Sorsuttoqarneranut upalungaarsimanermik pilersaarusiornissamut aalajangiisinnaatitaaffiup tiguneqarnissaanut tunngatillugu KANUKOKA-p tusarniaanermut akissuteqaataanut oqaaseqaatit innersuussutigineqarput.

Kommunini ulorianartorsiorfiusinnaasut tunngavigalugit annaassiniarnissamut upalungaarsimasut annertussusilerneqartarnissaannik atuutsitsilernissaq pillugu Kommuneqarfik Sermersooq allappoq:

*”Annaassiniarnissamut upalungaarsimasut annertussusissaannik aalajangersaanissamut piginnaatitaaffiup tunniunneqarnissaa, taamaalillunilu nammineerluni ulorianartorsiorfiusinnaasut tunngavigalugit annertussusiliisarnerit suliarineqartarnissaat, najukkamilu inuiaqatigiinni pissusiviusunut naleqqussarneqartarnissaat kommuninut iluaqutaasinnaasoq pillugu Kommuneqarfik Sermersuup ilaatigut Namminersorlutik Oqartussat isumaqatigaat.*

*Kisiannili kommunini annaassiniarnissamut upalungaarsimanermut akisussaaffimmik Namminersorlutik Oqartussat tunniussinerat, kommunalbestyrelsip nammineerluni annaassiniarnissamut upalungaarsimasut aaqqissuussaananerannik, suliaannik, annertussusilerneqartarnerinik atortuinillu aalajangersaasarneranik kinguneqartussat kommuninut ajornerusumik inissisimasunut kingunerluuteqartussaavoq. Ingerlatsiviit amerlasuut ikuallattunik qatserinermi akiuinermilu, ikuallattoornissamut misissuisarnerup, politiit suleqatigalugit nunami immamilu annaassiniartarnerit, nunami immamilu uuliaarluernerup, akuutissanik maqisoornerup, kiisalu atortunik nutarterisarnerup aammalu qamutininik assakaasulinnik illunillu aserfallatsaaliuinerup iluani ilinniartitaanikkut piginnaanerit pisariaqartut pigiinnarniarnissaasa pingaaruteqarnera oqimaalutaruminaatsittarpaat. Kommunini sipaarniartoqassappat, annaassiniartartut immikkoortortani siulliit ilaattut sipaarniarnissamut pinngitsaalineqartassapput. Upalungaarsimasut ilinniaqqittarnerisa, piginnaanerisa, atortut pigiinnarneqarnissaasa aammalu illut aserfallatsaalineqarnerisa il.il. ajornerulernerinik tamanna kinguneqarsinnaavoq. Suut tamarmik ingerlallualeriarpata, annaassiniarnissamut upalungaarsimasuni sulisut qatserutillu, aammalu qatserisartut qamutaasa assakaasullit allanngutsaalineqarnerisa ingerlaannarnissaata pingaaruteqassusia piviusut tunngavigalugit eqqarsaatigiuminaattussaavoq.*

*Kommuneqarfik Sermersuup illoqarfinni annerni upalungaarsimasut qamutaanik assakaasulinnik qamutinillu assakaasulinnik qatserutinik pigisaannik nalunaarsuinerani takutinneqarpoq, qamutit assakaasullit amerlanersaat 80-ikkunneersuusut, aammalu ataasiakkaat 90-ikkunneersuusut. Qamutit assakaasullit ataatsimut isigalugit aserfallatsaaliugaalluarput pitsaallutillu, kisiannili qamutini assakkasulinni qatserutini amerlasuuni ruujoreqarfiit imermik imaqartuaannarnertik, ikuallattoqarnissaanullu piareersimatinneqartuaannarnertik pissutigalugu nungullalersimapput. Ukiut tamaasa atortui nungullartut ussiillisimasullu amerlangaatsiartut taarsersorneqartarput aserfallatsaaliorneqartarlutillu. Siunissami qanittumi qamutit assakaasullit qatserutit iluarsaanneqarnissaat, imaluunniit qamutinik assakaasulinnik nutaaliaanerusunik taarsersorneqarnissaat pisariaqalertussaavoq.”*

§ 1 aamma § 2 pillugit Kommuneqarfik Sermersooq allappoq:

”Piffissaliussap sivikinnera pissutigalugu, kommunit annaassiniarnissamut upalungaarsimaneranni ulorianartorsiorfiusinnaasut tunngavigalugit annertussusiliinissamut tamannaluunniit aningaasaqarnermut sunniuteqassanersoq pillugu naliliinissamut kommunit piareersimanersut nalileruminaappoq. Ilisimasat malillugit ullumikkut illoqarfiiit nunaqarfylluunniit arlaanni annaassiniarnissamut upalungaarsimasut ulorianartorsiorfiusinnaasut tunngavigalugit annertussusiliinermik ingerlataqanngilaq misilittagaqaraniluunniit. Annaassiniarnissamut upalungaarsimasut nalinginnaasumik orniguttarnerinut amerlanertigut ukiorpassuarni qatserinermi aammalu mingutsitsinissamut akiuiniarnermi, annaassiniarnerni il.il. misilittagaasimasut tunngavigineqartarput.

Kommuneqarfik Sermersuumi ukiuni kingullerni marlussunni kiffartuussinerup, aaqqissuussaanerup, annertussusiliisarnerup atortullu akuersaarnartumik pitsaassusilerneqarnissaat anguniarlugu, taamaalillunilu kommunimi annaassiniarnissamut upalungaarsimanermit piunasaqaatit naammassiniarlugit isumalluutissarpaaluit atorpeqarsimapput. Nunaqarfinni piffissap atorfeqarfiusup agguaqatigiissinnera appasittorujussuusimavoq. Pingaartumik Nuup avataani illoqarfinni allani upalungaarsimanermi sulisut ilinniartitaanerit malinnaatinneqarsimannilaq. Illoqarfinni allani nunaqarfinnilu annaassiniarnissamut upalungaarsimanermi sulisut tunngaviumik ilinniartitaaneranni, inatsisinik tunngaveqartumi kinguaattoorutit annertoorsuit pissutigalugit Nuummi upalungaarsimasut sulinerminnut atatillugu angalasarsimapput, aammalu Tunngaviumik Pikkorissartitsineq, Qatserineq 1+2, ikiueqqaarneq naammassiniarlugu 2010-mi aamma 2011-mi pikkorissartitsinernut isumalluutissarpaaluit atorsimallugit.

Kommuni suli annaassiniarnissamut upalungaarsimasut kiffartuussineranni annertoorsuarnik iluarsisassaqqarpoq, taamaalilluni kiffartuussineq Kitaaniikkaluaraanni Tunumiikkaluaraanniluunniit assigiikannertussanngortinneqassamat. Siunissami Tasiilami aamma Paamiuni Suliniuteqarnermut pisortat namminneerlutik Tunngaviumik Pikkorissartitsinerni, Qatserineq 1+2-mi aamma ikiueqqaarnermi pikkorissartitsisalertussaapput.

Illoqarfinni allani nunaqarfinnilu annaassiniarnissamut upalungaarsimanermik naleqqussaannermi piginnaangorsaanermilu kommunip misilittagai amerliartortillugit suliniuteqarnermut pisortat upalungaarsimanermi sulisut ilinniarluarsimanissaat piginnaaneqarluarnissaallu anguniarlugu upalungaarsimanermit pisortatut ilinniartitaanikkut piginnaaneqarnissaa pingaaruteqarpoq. Suliniuteqarnermut Pisortat ilinniarluarsimanerisigut upalungaarsimanermi sulisut, minnerunngitsumillu innuttaasut, ikuallatsaaliuinermit ikuallattunillu qatserinermut atatillugu suliniuteqarnissaannik pisariaqartitsisut akornanni toqqissisimaneq annertunerulertussaavoq.”

Kommunini upalungaarsimasut ulorianartorsiorfiusinnaasut tunngavigalugit annertussusilerneqartarnerisa atuutsinneqalernissaa pillugu KANUKOKA-p tusarniaanermi akissuteqaammuni oqaaseqaatai innersuunneqarput. Tamatuma saniatigut erseqqissaatigineqassaaq, kommunini annaassiniarnissamut upalungaarsimasut



kiffartuussinerisa kommunini qaffasissusilerneqartarneri kommunit isumagisassarissammasuk, kisiannili ikuallattoqartillugu, ajutoortoqartillugu ajunaarnersuaqartillugulu, tassungalu ilanngullugu sorsuttoqartillugu inunnik, pigisanik avatangiisinillu ajoqusiisoqartillugu, kiisalu § 10, imm. 1 naapertorlugu nunami akuutissanik ulorianartunik tassanngaannartumik ajutoortoqartillugu tamatigut isumannaatsumik suliniuteqartoqarsinnaassaaq. § 21. imm. 3 naapertorlugu Naalakkersuisut kommunini upalungaarsimanermut pilersaarutunik taakkulu iluarsineqarnerinik akuersisartussaapput, tassungalu aamma annaassiniarnissamut upalungaarsimasut, kommunini annaassiniartarnermut upalungaarsimanermut ilaasut kommunini annertussusilerneqartarnerat ilaatinneqarpoq. Ulorianartorsiorfiusinnaasut tunngavigalugit annertussusiliisarnerup atuutinneqalerneratigut, atortut nalinginnaasut inuttallu amerlassusilerneqartarneri pillugit kaajallaasitaq nr. 1, 15. marts 1994-imeersoq atuuttoq atorunnaarsinneqartussaagaluartoq, kaajallaasitaq piffissami atulersitsiviusumi annertussusiliisarnermut ilitsersuutaasussaavoq, tassalu kommuni ataaseq illoqarfimmi nunaqarfimmiluunniit annertussusilikkani annertuumik appaaniarluni aalajangerpat, tamanna soorunami Naalakkersuisut akuersissuteqarnerminnut atatillugu appaanermut tunngaviusumik misissueqqissaarnerannik malitseqartinneqassaaq. Taamatuttaaq annertuumik qaffaasoqassappat, tamatuma kingunerisaanik qaffaaneq pissutsinik annertuumik tunngavissaqarnerisooq Naalakkersuisut misissuissapput, tassungalu kiffartuussinerimi qaffasissutsip allannguuteqarnera ilaatinneqarpoq, tassalu illoqarfimmi nunaqarfimmiluunniit siunissami kiffartuussinerup qaffasissusissaata pitsaanerulersinneqarnissaa kommunalbestyrelsip aalajangersimasinnaavaa. Kommunini upalungaarsimanermut pilersaarutit, taakkunungalu ilanngullugit kommunini annaassiniarnissamut upalungaarsimasut annertussusilerneqarnerisa akuersissutigineqarnerisa saniatigut Naalakkersuisut tunngaviusumik kommunit namminersorneri, inatsisit tunngaviusut malillugit qulakkeerneqarsimasooq tunngavigalugu, kommunini annaassiniarnissamut upalungaarsimasut pisariillisarneqarnissaat sipaarniarfigineqarnissaalluunniit akuleruffigisinnaangilaat. Naalakkersuisut taamaallat § 10, imm. 1 naapertorlugu annaassiniarnissamut upalungaarsimasut isumannaatsumik suliniuteqarsinnaanissaat nakkutigisussaavaat.

§ 7 pillugu Kommuneqarfik Sermersooq allappoq:

*”Kommuneqarfik Sermersooq isumaqarpoq, suliniuteqarnermut pisortat illuni ikuallattoornissamut sullissisutut ilinniartitaanissaannut aalajangersagaq inatsimmi nutaami atuutiinnassasoq, taamaalilluni suliniuteqarnermut pisortat upalungaarsimanermut pisortatut ilinniartitaanikkut piginnaaneqarnissaa ingerlaannassalluni.*

*Kommunit Upalungaarsimanermut Pisortamik ataasiinnarmik imaluunniit suliniuteqarnermut pisortap ataasiinnaap illuni ikuallattoornissamut sullissisutut ilinniarsimanissaanik ”naammaginnissinnaanissaannut”, illoqarfuit akornanni isorartussutsit annertuallaaqaat.*

*Suliniuteqarnermut pisortat illuni ikuallattoornissamut sullissisutut ilinniagaqarsimangitsut nammineerluni immikkoortortamut/ingerlatsivimmut, Annaassiniarnissamut upalungaarsimanermut inatsimmut aammalu ikuallattoornissamut misissuineranut, illunut sullissineranut, atuilernissamut akuersissutinut suleqataanissamut il.il. naapertuuttunik*

*iluarsiisinnaassanngillat suleqataasinnaassanatillu. Taamatuttaaq tamanna aamma suliat saniatigut ikuallattoornissamut misissuinernut, illunut sullissinernut illunut misissuinernut il.il. atatillugu pisariaqanngitsumik sulinermut atatillugu angalanernik aningaasaqartuuteqarnernillu nassataqartussaavoq.”*

De § 7 pillugu KANUKOKA-p tusarniaanermut akissuteqaataanut oqaaseqaatit innersuussutigineqarput.

Qeqqata Kommunia tusarniaanermut akissuteqaammuni allappoq:

*”Piffissaq sivikitsuararsuaq atorlugu akisussaaffeqarfiup tamatuma tiguneqarnerani aningaasaqarnikkut sunniutissat kommunip nalileruminaatsippai. Taamaattumik uppersarneqarsimasunik aningaasartuuteqarnerusoqassappat taakku ataatsimoorussamik tapiissutissanut ilanngunneqartariaqarput.*

*Kommuni kommunimi upalungaarsimanermut annertussusissamik aalajangersaanissamut sakkussanik tunineqassava, aamma piumasaqaatit minnerpaaffeqassappat? Matumani inatsisissatut siunnersuutip upalungaarsimanerup annertussusilerneqarnissaanut tunngasoq Namminersorlutik Oqartussat kommunillu akornanni annertussusiliinissaq pillugu oqaloqatigiissutigineqarpat iluaqutaassanngila?*

*Tamatuma saniatigut kommunini upalungaarsimanermut pilersaarutit allanngornissaat naatsorsuutigineqassaaq.”*

Kommunini ulorianartorsiorfiusinnaasut tunngavigalugit annaassiniarnissamut upalungaarsimasut annertussusilerneqartarnissaannik atuutsitsilernissaq pillugu KANUKOKA-p aamma Kommuneqarfik Sermersuup tusarniaanermut akissuteqaataanut oqaaseqaatit innersuussutigineqarput.

§ 2-imut tunngatillugu Qaasuitsup Kommunia tusarniaanermut akissuteqaammuni allappoq:

*”§ 2: Agguaanermi immikkoortut sisamaassapput, soorlumi kommunit killeqarfii taamaattut.”*

Annaassiniarnissamut upalungaarsimasut annertussusilerneqartarnerinut, tassungalu ilanngullugu ulorianartorsiorfiusinnaasut tunngavigalugit annertussusilerneqartarnerannik atuutsitsilernissamut akisussaaffiup tunniunneqarnissaata, Naalakkersuisut, kommunit ataasiakkaat KANUKOKA-llu akornanni oqallisigeqqinneqareernissaannut kinguartinneqarnerata kingunerisaanik, taamaallaat Inatsisartut inatsisaanni allannguinnissat sorsuttoqarneranut sorsuttoqarnissaanulluunniit aarlerinartoqarneranut pilersaarusiornissamut piginnaatitaaffiup tiguneqarnissaanut tunngasuussapput. Tassalu § 1, imm. 2 atuuttoq allanngortinneqassanngilaq, taannalu malillugu Naalakkersuisut nuna upalungaarsimaffimmut ataatsimut amerlanerusunulluunniit aggulussinnaavaat. Nunap upalungaarsimaffiusunut aalajangersimasumik amerlassusilinnut agguarneqarnissaanut Naalakkersuisut maannakkorpiaq pilersaaruteqanngillat.

§ 7-imut tunngatillugu Qaasuitsup Kommunua tusarniaanermut akissuteqaammini allappoq:

*”§ 7: Qaasuitsup Kommunua isumaqarpoq, upalungaarsimanerni illunik ikuallattoornissamut sullissinissamut piumasagaatit pigiinnarneqartariaqartut.*

*Timmisartuni suliniuteqarnermut pisortat ilinniartitaanerinit piumasagaatit annertusineqartariaqarput, taamaalilluni illoqarfiit mittarfillit tamarmik timmisartuni suliniuteqarnermut pisortanik, suliniuteqarnermut pisortatut ilinniarsimasunik peqalersinneqassallutik. Mittarfinni upalungaarsimasut holdlederinit, teknikkimut pisortatut ilinniarsimasunik suliniuteqarnermut pisortatut atuisoqartalenera tamatumunnga pissutaavoq.*

*Upalungaarsimasut mittarfinni eqqaanilu silaannakkut angallatinik ajutoortoqartillugu mittarfinni upalungaarsimasunut ikiuutissallutik pisussaapput.”*

Kommunini ulorianartorsiorfiusinnaasut tunngavigalugit annaassiniarnissamut upalungaarsimasut annertussusilerneqartarnissaannik atuutsitsilernissaq pillugu KANUKOKA-p aamma Kommuneqarfik Sermersuup tusarniaanermut akissuteqaataannut oqaaseqaatit kiisalu § 7-imut oqaaseqaatit innersuussutigineqarput.

§ 10-imut tunngatillugu Qaasuitsup Kommunua allappoq:

*§ 10: Annaassiniarnerni upalungaarsimasunut allanut, politiinut il.il. ikiuunnissamut tunngatillugu, ikiuunnermut kikkut aningaasaqarnikkut akisussaaffeqarnerisut oqaatigineqanngilaq.”*

Suliassaqarfimmi akisussaasuusoq § 10, imm. 3 naapertorlugu annaassiniarnissamut upalungaarsimasunik ikiortissarsiortoq aamma ikiorneqarnermi aningaasaqarnermut akisussaasuusaaq, tassalu politiit suliassaqarfimmi, politiinit isumagineqartumi annaassiniarnissamut upalungaarsimasunik ikiortissarsiorsimappata, politiit annaassiniarnissamut upalungaarsimasut ikiuunnerinit akiliissapput. Namminersorlutik Oqartussat 3 sòmilit killeqarfiup iluani avatangiisinut upalungaarsimanermi, soorlu uuliaarluertoqarsimatillugu, annaassiniarnissamut upalungaarsimasunik ikiortissarsiorsimappata, Namminersorlutik Oqartussat annaassiniarnissamut upalungaarsimasut ikiuunnerinit akiliissapput. Suliassaqarfimmi akisussaasup kommunimi annaassiniarnissamut upalungaarsimasunut aningaasartuutinik, kommunimi annaassiniarnissamut akisussaasut aggersarneqarnerinit peqqutaasumut imaluunniit peqqutaasunut ingerlatitseqqinnissaa kommunimi annaassiniarnissamut upalungaarsimasunit susassarineqanngilaq. § 10, imm. 2-mut nassuiaatit iluarsineqarput, taamaalillunilu tassani ikiortissarsiortup aningaasaqarnikkut pisussaaffii allassimalerput.

Peqqissutsimut Naalackersuisoqarfik tusarniaanermut akissuteqaammini allappoq:

*”Peqqissutsimut Naalackersuisoqarfiup inatsisissatut siunnersuut ataatsimut isigalugu isumalluarfigaa.*

*Peqqissutsimut Naalackersuisoqarfiup suliassaqarfimmi iluani sorsuttoqannginnerata avataani upalungaarsimanermut pisussaaffiit tigummereerpai.*

*Annaassiniarnissamut upalungaarsimasut annertussusilerneqarnerannut tunngasoq aamma siunertaqartut isigineqarpoq, tamanna kommunini najukkami ulorianartorsiorfiusinnaasut aallaavigalugit aalajangerneqartartussaammat. Allassimasut illoqarfinni assigiinngitsuni, taamaallaat innuttaasut amerlassusii, suliffeqarfiit avatangiisinut peqqissutsimullu ajoqusiisinnaasut pigineqartut, illuliat quleriit annerusut, takornariat tikittartut amerlassusii, aatsitassarsiorfinnik sanaartorneq imaluunniit uuliamik (misiliilluni) qillerinerit il.il. aallaavigalugit annaassiniarnissamut upalungaarsimasut annertussusissaannut piunasaqaatit assigiinngikkaluartut, Naalackersuisoqarfik isumaqarpoq, aammattaaq siunissami najukkani upalungaarsimanermut piunasaqaatit, tassungalu ilanngullugu najukkani upalungaarsimanermik suliaqartut ilinniartitaanerit minnerpaaffissaat pillugit maleruagassanik peqartariaqartoq.”*

Kommunini ulorianartorsiorfiusinnaasut tunngavigalugit annaassiniarnissamut upalungaarsimasut annertussusilerneqartarnissaannik atuutsitsilernissaq pillugu KANUKOKA-p aamma Kommuneqarfik Sermersuup tusarniaanermut akissuteqaataannut oqaaseqaatit innersuussutigineqarput.

Nunamut Namminermut, Pinngortitamut Avatangiisinullu Naalackersuisoqarfik tusarniaanermut akissuteqaammini allappoq:

*”NNPAN-imiit maluginiarneqarpoq, avatangiisinut upalungaarsimaneq, § 10, imm. 1-imi taaneqartoq taamaallaat nunami ajutoornernut tunngasuusoq.*

*Kommunimi upalungaarsimanermut aamma 3 sòmiliimut killeqarfiup iluani imaani uuliaarluertoqarnerani suliassanut tunngasut isumagineqarnissaat ilaatinneqarpoq. Tamanna Kalaallit Nunaanni kommunit kattuffiata aamma Kalaallit Nunaannut Ministereqarfiup akornanni 1986-imi decembarimi suleqatigiinnissamut isumaqatigiissuteqarnikkut atuutsinneqalerpoq.*

*Taamaattumik NNPAN-ip siunnersuutigaa, aamma 3 sòmiliimut killeqarfiup iluani uuliaarluertoqarnissaanut upalungaarsimaneq inatsisissatut siunnersuummi § 10, imm. 1-imut ilanngunneqassasoq.”*

Kommunimi annaassiniarnissamut upalungaarsimasut Naalackersuisut, tassalu sullissinikkut uuliaarluertoqarnissaanut upalungaarsimasuusut (entreprenørit) sinnerlugit imaani 3 sòmiliimut killeqarfiup iluani uuliaarluertoqarnissaanut upalungaarsimaneq isumagisussaavaat. Imaani 3 sòmiliimut killeqarfiup iluani uuliaarluertoqarnissaanut Naalackersuisut, aammattaaq aningaasaqarnikkut akisussaaffimmik tigungmiaqartut akisussaasuupput. Akisussaaffik kommunini annaassiniarnissamut upalungaarsimasunut nuunneqassappat, tamanna immikkut tusarniaassutigineqartariaqarpoq, taamatullu tamanna kommuninut aningaasaqarnikkut sunniuteqassasoq, taamaalillunilu kommunit ataatsimoortumik tapiissutitigut iluarsineqartussatut piunasaqarnerinik kinguneqassasoq ilimanarpoq.

Illersornissamut Ministereqarfik sorsuttoqarneranut sorsuttoqarnissaanullu aarlerinartorsiornermut pilersaarusiornissamut piginnaatitaaffiup tiguneqarnissaa pillugu tusarniaanermut akissuteqaammini allappoq:

” Illersornissamut Ministereqarfimmit aallarniutigalugu erseqqissaatigineqassaaq, suliassaqarfinni, Namminersorlutik Oqartussanit tiguneqareersimasuni sorsuttoqarnerani sorsuttoqarnissaanullu aarlerinartorsiornermi inuinnarnut immikkoortuni upalungaarsimanerup pilersaarusiornissaanut piginnaatitaaffiup Namminersorlutik Oqartussanit tiguneqarnissaa siunnersuummi siunnerfigineqarmat, tamatumani Naalagaaffiup aamma Namminersorlutik Oqartussat akunnerminni Namminersorneq pillugu inatsimmi § 4 naapertorlugu tamanna pillugu isumaqatigiissuteqarnissaat tunngavigineqarpoq.

Erseqqissaatigineqassaaq, Illersornissamut Ministereqarfiup Statsministereqarfik suleqatigalugu isumaqatigiissummut matuma siulianut taaneqartumut, taamaalillunilu sorsuttoqarneranut sorsuttoqarnissaanullu aarlerinartorsiornermut pilersaarusiornissamut piginnaatitaaffiup Namminersorlutik Oqartussanit tiguneqarnissaanut missingiut sularisimammagu. Missingiut taanna Illersornissamut Ministereqarfimmit e-mail-ikkut, 28. februar 2011-meersukkut Naalakkersuisunut oqaaseqarfigisassanngorlugu nassiunneqarpoq. Naalakkersuisunit ilisimatitsissutigineqarpoq, isumaqatigiissutip atsiorneqannginnerani isumaqatigiissummut missingiut inaarutaasumik Inatsisartunit akuerineqartussaasoq. Isumaqatigiissummut missingiummut nassiunneqartumut Naalakkersuisut oqaaseqaataanik tigusaqarnissaq Illersornissamut Ministereqarfimmit qilanaarineqarpoq.

Kiisalu siunnersuummi allassimavoq, inuinnarni upalungaarsimaneq pillugu inatsisip nr. 342-p, 23. december 1959-imeersup, Kalaallit Nunaannut atuutsinneqalernera pillugu kunngip peqqussutaat nr. 405, 20. december 1962-imeersoq (peqqussut 1962-imeersoq) atorunnaarsinneqassasoq. Tamatumunnga tunngatillugu Illersornissamut Ministereqarfimmit erseqqissaatigineqassaaq, Namminersorlutik Oqartussat peqqussut 1962-imeersoq atorunnaarsinnaanngimmassuk, inuinnarnut upalungaarsimanermut inatsit (inatsit 1959-imeersoq) suli danskit oqartussaasuinut atuummat. Tassalu inatsit 1959-imeersoq suliassaqarfinni, Namminersorlutik Oqartussanit tiguneqarsimanngitsuni sorsuttoqarneranut sorsuttoqarnissaanullu aarlerinartoqarneranut pilersaarusiornissamut naalagaaffimmi oqartussaasut pisussaaffeqarnerinik imaqarpoq. Taamaattumik suliassaqarfinnut suli naalagaaffimmi oqartussaasut ataanniittut pilersaarusiornissamut akisussaaffeqarnerisa ingerlaannarnissaanut inatsimmut tunngavissamik suliaqartoqarpat aatsaat peqqussut 1962-imeersoq atorunnaarsinneqarsinnaavoq. Tamatumunnga tunngatillugu oqaatigineqassaaq, upalungaarsimanermut inatsimmi § 24-p (Danmarkimi suliassaqarfinnut akisussaaneermik nalinginnaanngorsaaffiusup) Kalaallit Nunaannut atuutsinneqalernissaa Kalaallit Nunaanni upalungaarsimanermut inatsit pillugu suleqatigiissitap naleqqunnerpaatut nalilermagu. Taamaalilluni Naalagaaffimmi oqartussaasut inuinnaat upalungaarsimanerini suliassaqarfiit, Naalagaaffimmi oqartussaasut ataanniittut iluini sorsuttoqarneranut ajornartoormullu pilersaarusiornissamut piginnaatitaaffiannut (ingerlaannarnissaanut) pisortatigoortumik tunngaviusussaq pilersinneqassaaq. Kisiannili upalungaarsimanermut inatsimmi § 24

*atuutsinneqalissappat, nassuiaat naapertorlugu upalungaarsimanermut inatsimmi § 82 allanngortinneqartariaqarpoq. Iisimatitsissutigineqarsinnaavoq, taamatut allannguinissaq Upalungaarsimanermut Inatsit tullianik iluarsaanneqalerpat tamatumunnga atatillugu pisinnaammat.*

*Matuma siuliani allassimasut tunngavigalugit siunnersuutigineqarpoq, Namminersorlutik Oqartussat – peqqussummik 1962-imeersumik atorunnaarsitsinissamut taarsiullugu – peqqussutip 1962-imeersup (taamaalillunilu aamma inatsisip 1959-imeersup) suliassaqarfimmut, Namminersorlutik Oqartussanit tiguneqarsimasunut atorunnaarneranut aalajangersagaq, Inatsisartut inatsisissaattut siunnersuummut ilanngutissagaat. Taamaalilluni upalungaarsimanermut inatsimmi § 24-p Kalaallit Nunaannut atuutilernissaata tungaanut, inuinnaat upalungaarsimanerat pillugu inatsit nr. 342, 23. december 1959-imeersoq danskit oqartussaasuinut atuutiinnassaaq. Illersornissamut Ministereqarfiup upalungaarsimanermut inatsisip allanngortinneqarnissaanut atatillugu peqqussutip 1962-imeersup atorunnaarsinneqarnissaa isumagissavaa. Erseqqissaatigineqassaaq, matuma siuliani taaneqartoq pillugu Statsministereqarfik aamma Inatsisunik atortitsinermut Ministereqarfik oqaloqatigineqarsimammata. Aalajangersakkap matuma siuliani taaneqartup ilusilerneqarnissaa pillugu aasaanerani sulinnigiffeqareernerup kingorna Illersornissamut Ministereqarfik Namminersorlutik Oqartussanik oqaloqateqarnissamut ammavoq, taakkunungalu aalajangersakkamut nassuiaatip ilaatinneqarput.*

*Kiisalu erseqqissaatigineqassaaq, inatsisip allanngortinneqarnissaanut siunnersuummi upalungaarsimanermut pilersaarusiornermut atuutsitsilernermullu, kiisalu sorsuttoqarnerani suliassat aaqqinneqarnissaannut sakkutuut aallarniutaasumik iliuusissaannut piareersarnissaannullu atatillugu sakkutuut suliassat iluarsivigineqartussaannigitsut Illersornissamut Ministereqarfiup naliliiffigimmagu. Erseqqissaatigineqassaaq, aamma siunissami inuinnarnut oqartussaasut sakkutuullu akornanni suleqatigiinnerup maleruagassaqartillugu ingerlanissaa pisariaqartinneqartussaammat. Suleqatigiinneq taamaattoq ajutoornernut ajunaarnersuaqarneranullu atatillugu ingerlanneqareerpoq, ataatsimullu isigalugu tamanna ajornartoornernut sorsuttoqarneranullu atatillugu ingerlateqqinneqarsinnaasutut naliliiffigineqarpoq.”*

Illersornissamut Ministereqarfiup oqaaseqaatai Inatsisartut inatsisaanni aamma nassuiaatini attuumassuteqarneri tunngavigalugu ilanngunneqarput.

Kommunini ulorianartorsiorfiusinnaasut tunngavigalugit annaassiniarnissamut upalungaarsimasut annertussusilerneqartarnerisa atuutsinneqalernissaa pillugu Illersornissamut Ministereqarfik tusarniaanermut akissuteqaammini allappoq:

*”Siunnersuummut nassuiaatini qupp. 13-imi kommunalbestyrelsit ataatsimut isigalugit ulorianartorsiorfiusinnaasut tunngavigalugit annertussusiliisarnermut atatillugu suut*

*aalajangersartassaneraat allattorneqarput. Immikkoortumi siullermi siunnersuutigineqarpoq, immikkoortoq imatut allanngortinneqassasoq: "Ikuallattoornermi, qartoornermi annaassiniarnermilu suliaassat suut kommunimi suliarineqartassappat".*

Kommunini ulorianartorsiorfiusinnaasut tunngavigalugit annaassiniarnissamut upalungaarsimasut annertussusilerneqartarnissaannik atuutsitsilernissaq pillugu KANUKOKA-p tusarniaanermut akissuteqaataanut oqaaseqaatit innersuussutigineqarput.

ændring af § 7-ip allannguuteqartinneqarnissaanik siunnersuutaasooq pillugu Illersornissamut Ministereqarfik allappooq:

*Siunnersuummut nassuiaatini qupp. 15-imi "ilinniartitaanikkut piginnaaneqarfinni pisariaqartuni" suut isumagineqassanersut allassimavoq. Pinaveersaartitsinermit atatillugu aamma ilinniartitaasoqartalernissaa siunnersuutigineqarpoq. Tamanna ilaatigut qupp. 15-imi immikkoortumut atatillugu isigineqassaaq, tassanilu oqaatigineqarpoq, "upalungaarsimanermut pisortamik piffissaq tamakkerlugu atorfeqartitsisarnissamut aalajangersagaq, inuiaqatigiinni ineriartornermit ingerlasumut, minnerunngitsumik soorlu ikuallattoornissamut misissuisarnertut ittunik pinaveersaartitsiviusumik annaassiniarnissamut upalungaarsimanermut annertusiartortunik piumasaaqateqarfiusumut atasutut isigineqassaaq". Immikkoortumi aamma erseqqissarneqartariaqarpoq, ikuallattoornissamut misissuinermi ikuallattoornissamut qartoornissamullu pinaveersaartitsinermit maleruagassanik paasisimasaqarnissaq pisariaqartinneqartoq. Erseqqissaatigineqassaaq, Danmarkimi ikuallattoornissamut misissuisarnermi ilinniagaqarnissaq piumasarineqarmat."*

§ 7-imut tunngatillugu KANUKOKA-p tusarniaanermut akissuteqaataanut oqaaseqaatit innersuussutigineqarput.

Statsministereqarfik tusarniaanermut akissuteqaammimi, inuinnarni upalungaarsimaneq pillugu inatsisip nr. 342-p, 23. december 1959-imeersup, Kalaallit Nunaannut atuutsinneqalerneru pillugu kunngip peqqussutaat nr. 405, 20. december 1962-imeersup atorunnaarsinneqarnissaanut tunngatillugu, ataatsimut isigalugu Illersornissamut Ministereqarfimmit tusarniaanermut akissuteqaat innersuussutigaa.

Statsministereqarfik siunnersuummi aalajangersakkanut ataasiakkaanut nassuiaatini nr. 1, immikkoortut tallimaannut tunngatillugu tusarniaanermut akissuteqaammimi allappooq:

*"Sorsuttoqarneranik aamma sorsuttoqannginneranik immikkoortitsisarnerup atorunnaarsinneqarnissaa, Kalaallit Nunaanni suliaasaqarfinni tiguneqareersimasuni tamaginni sunniuteqarsinnaassaaq, taamaattumik siunnersuutigineqarpoq immikkoortoq peerneqassasoq."*

Aalajangersagaq kommunimi annaassiniarnissamut upalungaarsimanermit tunngassuteqarpoq, tassani aalajangersagaq taamaallaat suliassa qarfinnut kommunimi annaassiniarnissamut upalungaarsimasut akisussaaffigisaannut tunngassuteqarpoq. Nr. 1-imut (§ 1, imm. 1) nassuiaatini erseqqissarneqarpoq, oqartussaasut allat paasineqassasoq tassaasut Namminersorlutik Oqartussat aamma naalagaaffimmi oqartussaasut. Kommunit annaassiniarnissamut upalungaarsimasuini assersuutigalugu ilaangillat avatangiisinut oqartussaasut upalungaarsimanerat, timmisartoqarfiit upalungaarsimanerat aamma timmisartumik imaatigullu annaassinartartut.

Kalaallit Nunaanni Politimesteri tusarniaanermut akissuteqaammini allappoq:

*”Taamaattorli § 10, imm. 3 maluginiaqquneqarpoq, tassani Statens Luftfartsvæsenip immikkoortumut akisussaaffeqarnera ullumikkut Assartuussinermit Ministereqarfiup ataani Angallannermit Aqutsisoqarfimmit isumagineqarmat”*

Maannakkut suliassa qarfinnut akisussaasuunerup agguataarneqarnera tusaatissatut tiguneqarpoq, kisiannili Statens Lufthavnsvæsen-imut innersuussinerup iluarsineqarnissaanut pissutissaqartitsinani.



## **Siunnersuummi aalajangersakkanut ataasiakkaanut nassuiaatit**

### *§ 1-mut*

Nr. 1-imut

Aalajangersakkap Inatsisartut inatsisaanni atuuttumi § 1, imm. 1-ip assigaa, kisiannili sorsuttoqannginnerata sorsuttoqarneratalu akornanni immikkoortitsisarneq upalungaarsimanermut pilersaarusiortarnermut tunngavigineqartarunnaassaaq. Aammattaaq inatsisissatut siunnersuummut nassuiaatit nalinginnaasut innersuussutigineqarput.

Siunissami ajutoortoqartillugu ajunaarnersuaqartillugulu, tassungalu ilanngullugu sorsuttoqartillugu inuiaqatigiinni suliassat attatiinnarneqarnissaat ingerlateqqinneqarnissaallu, kiisalu sakkutuut tapersorsinnaajumallugit, kommunit pilersaarusiortassasut, imm. 1-imi siunnersuutigineqarpoq.

Upalungaarsimanermut pilersaarummi oqartussaasut ulluinnarni suliassanik isumaginnittuusut aamma ajutoortoqarnerani ajunaarnersuaqarneranilu, ulluinnarni isumalluutit naammakkunnaartillugit suliassanik isumaginninnissaannut tunngavissat nalinginnaasut tunngavigineqassapput.

Ulluinnarni aqutsinermi upalungaarsimanermi pisariaqartinneqartut eqqarsaatigineqassapput, taamaalilluni upalungaarsimanermut piareersaatit sapinngisamik amerlanerpaat inuiaqatigiit aningaasaqarnerat eqqarsaatigalugu naleqquttumik naammassineqarsinnaassammata. Taamaalilluni upalungaarsimanermi ulluinnarni sulianiit ajutoornernut annerusunut ajunaarnersuarnullu, tassungalu ilanngullugu sorsuttoqarneranut ikaarsaartoqarsinnaalissaaq. Taamaattumik iliuusissat, pisuni ulluinnarni isumalluutit naammakkunnaarfiini aallartinneqartussat pilersaarutigineqartut ulluinnarni upalungaarsimanermut ineriartortitseqqiffiussapput, iliuusissanilu suliassanik aaqqiisarneq nalinginnaasoq suliallu pioreersut tunngavigineqassapput. Tamatuma kingunerisaanik sorsuttoqannginnerata sorsuttoqarneratalu akornanni immikkoortitsisarneq upalungaarsimanermik pilersaarusiortarnermut tunngavigineqartarunnaassaaq.

Nassuiaatini nalinginnaasuni takuneqarsinnaasutut, ulluinnarni suliassat nalinginnaasut isumagineqarnerat annaassiniarnissamut upalungaarsimasunut aallaaviupput, taamaalilluni ajutoortoqartillugu ajunaarnersuaqartillugulu suliassat pilersut ulluinnarni sulianik nalinginnaasunik ingerlatitseqqinnerupput, ajutoornerup ajunaarnersuulluunniit kingunerisinnaasaanik allannguuteqartinneqarlutik.

Aalajangersakkami suliassat oqartussaasunit allanit ulluinnarni ajutoornernut ajunaarnersuarnullu atatillugu suliniuteqarnissamik akisussaasuusunit isumagineqartut kalluarneqanngillat, ilanngullugit Namminersorlutik Oqartussat aamma naalagaaffimmi oqartussaasut. Annaassiniarnissamut upalungaarsimanermut taamaalilluni assersuutigalugu

avatangiisinut oqartussaasut upalungaarsimanerat, timmisartoqarfiit upalungaarsimanerat, aammalu timmisartumit imaatigullu annaassiniartartut ilaatinneqanngillat.

#### Imm. 2-imut

Aalajangersagaq Inatsisartut inatsisaanni atuuttumi § 10, imm. 1-imut naapertuuppoq, taamaattorli imaalillugu upalungaarsimanermit pilersaarusiornermit eqqissinerup nalaani aammalu sorsuttoqarnerata nalaani immikkoortitsinissaq tunngavigineqartarunnaassalluni. Aammattaaq inatsisissatut siunnersuummut nassuiaatit nalinginnaasut innersuussutigineqarput.

Annaassiniarnissamut upalungaarsimasut ikuallattoqartillugu, aamma inunnik, pigisanik avatangiisinillu ajoqusertoqartillugu sulitinneqarsinnaanissaat imm. 1-imi aalajangersarneqarpoq. Taassuma atuunneratigut annaassiniarnissamut upalungaarsimasut ilaatigut soorlu ikuallattoqarnerani qaartoortoqarneranilu, nakkaattoqarnerani, timmisartut nunami ajutoornerini aammalu umiarsuit talittarfimmi ajutoornerini, kiisalu ajutoornerni, akuutissanik ulorianartunik nunami il.il. seerisoorfiusinnaasuni sulilersinneqarsinnaapput. Taakkarsorneqartut tamakkiisuunngillat. Annaassiniarnissamut upalungaarsimasut kommunip killeqarfiata iluani, tassalu kommunit aggorneri malillugit suliassanik isumaginnissapput.

Kiisalu annaassiniarnissamut upalungaarsimasut qimarngunneqartut navialisullu allat tigooqqarneqarnerini, inissikkallarneqarnerini isumassorneqarnerinilu isumaginninnermi oqartussaasunut ikiuutissapput. Tassani ajutoornerit ajunaarnersuillu kingunerisaanik pakkersimaarinninnissaq siunertarineqarpoq. Tamanna ilaatigut ikiuisarfinnik taaneqartunik, qimarngunneqartunik navialisunillu allanik sullissisussanik ikiuuttusanillu pilersitsinikkut pisinnaavoq.

Qimarngunneqartunut navialisunullu allanut atatillugu suliassat isumagineqarnissaannut apeqput kommunimi upalungaarsimanermit pilersaarummi suliarilluarneqassaaq.

#### Nr. 3-imut

Aalajangersakkap Inatsisartut inatsisaanni atuuttumi § 10, imm. 3-p assigaa, kisiannili sorsuttoqannginnerata sorsuttoqarneratalu akornanni immikkoortitsisarneq upalungaarsimanermit pilersaarusiortarnermit tunngavigineqartarunnaassaaq. Aammattaaq inatsisissatut siunnersuummut nassuiaatit nalinginnaasut innersuussutigineqarput.

Ajutoornerup ajunaarnersuulluunniit, imaluunniit sorsunnerup pineqartup ilusia pissutaalluni tamanna pisariaqartutut naliliiffigineqarpat, annaassiniarnissamut upalungaarsimasut kommunimi allami annaassiniarnermit upalungaarsimasunut, Naalakkersuisunut, Statens Luftfartsvæsen-imut (RCC), Grønlands Kommando-mut (MRCC) politiinullu ikiuunnissamut pisussaaffeqarnerat imm. 3-mi pineqarpoq. Tamanna suliassaqarfinnut akisussaasuunermit tunngaviusup atuutsinneqarnissaanut akornusiissanngilaq.

Ajutoornerup, ajunaarnersuup sorsunnerulluunniit ilusia pissutigalugu ikiortissarsiortoqarpat, pisussaaffeqarneq atuutilissaaq. Tassani ilaatigut ajutoorneq ajunaarnersuarluunniit ima annertussuseqarsinnaavoq, kommuni, Naalakkersuisut, RCC, MRCC imaluunniit politiit suliassaq naammassiniarlugu kommunimi annaassiniarnissamut upalungaarsimasunit ikiorserneqarnissaq pisariaqartissinnaallugu, imaluunniit ajornartoorneq pineqarteq naammassiniarlugu allanik ikiorserneqarnissaq pisariaqartissinnaallugu.

Pisariaqartitsineq assersuutigalugu kommuni pisumi suliassaqarfiit immikkut iluanni suliassanik naammassinninnissamut pitsaannerusunik periarfissaqartillugu pilersinnaavoq. Tamannattaq atortunik pissarsiniartarnermut atuussinnaavoq.

Suliassaqarfimmut akisussaasuusooq, aammalu imm. 3 naapertorlugu kommunimi annaassiniarnissamut upalungaarsimasunut ikiortissarsiortoq aamma ikiorserneqarnermini aningaasaqarnikkut akisussaasuusussaavoq, tassalu politiit suliassaqarfimmi, politiinit isumagineqartumi annaassiniarnissamut upalungaarsimasunik ikiortissarsiorsimappata, politiit annaassiniarnissamut upalungaarsimasut ikiunnerinut akiliissapput. Tamannattaq avatangiisinut akisussaasut Naalakkersuisunut ilaasortaq 3 sòmilitut killeqarfiup iluani avatangiisinut upalungaarsimanermi, soorlu uuliaarluertoqarsimatillugu, annaassiniarnissamut upalungaarsimasunik ikiortissarsiorsimappata, Namminersorlutik Oqartussat annaassiniarnissamut upalungaarsimasut ikiunnerinut akiliissapput. Suliassaqarfimmi akisussaasup kommunimi annaassiniarnissamut upalungaarsimasunut aningaasartuutunik, kommunimi annaassiniarnissamut akisussaasut aggersarneqarnerinut pequtaasumut imaluunniit pequtaasunut ingerlatitseqqinnissaa kommunimi annaassiniarnissamut upalungaarsimasunit susassarineqanngilaq.

Nr. 4-imut

Aalajangersakkap Inatsisartut inatsisaanni atuuttumi § 20, imm. 1 aassigaa, kisiannili sorsuttoqannginneranut sorsuttoqarneranullu immikkoortitsisarneq upalungaarsimanermut pilersaarusiortarnermut tunngavigineqarunnaarpoq. Aammattaq tassani inatsissatut siunnersuummi nassuiaatit nalinginnaasut innersuunneqarput.

Upalungaarsimanermut pilersaarusiortarnermi Naalakkersuisunut ilaasortap, ulluinnarni sulianik isumaginnittuusup aamma ajutoortoqartillugu ajunaarnersuaqartillugulu, ulluinnarni isumalluutit naammakkunnaartillugit suliassanik isumaginnittuunissaa tunngavigineqarpoq. Iliuusissat ajutoortoqartillugu ajunaarnersuaqartillugulu pisariaqartinneqartut pilersaarusiornissaannut akisussaaffik Naalakkersuisoqarfinit ataasiakkaanit tigummineqarpoq. Taamaalilluni ulluinnarni aqutsinermi upalungaarsimanermi eqqarsaatigisassat pisariaqartut isiginiarneqarnissaat qulakkeerneqarpoq, taamaalillunilu inuiaqatigiit aningaasaqarnerat eqqarsaatigalugu upalungaarsimanermi piareersagassat amerlanerpaat naammassineqarsinnaassapput, aammalu annertunerusunik ajutoortoqarnerani ajunaarnersuaqarneranilu upalungaarsimanermi ulluinnarni suliniutit eqaatsumik ingerlateqqinneqarnissaat pilersinneqassalluni. Tamanna pissutigalugu iliuusissani suliassat

iluarsisassat nalinginnaasut suliallu ingerlareersut tunngavigineqassapput. Naalakkersuisoqarfiit pineqartut iluanni inatsisit upalungaarsimanermut pissutsinut assigisaannullu maleruagassatut aalajangersakkanik pisariaqartinneqartunik imaqarnissaasa qulakkeerneqarnissaat, Naalakkersuisunut ilaasortat ataasiakkaat akisussaaffigissavaat.

#### *§ 2-mut*

Imm. 1-imi siunnersuutigineqarpoq, Naalakkersuisut tamanna pillugu nalunaarusiamik saqqummiussinerisa kingorna Inatsisartut inatsisaata atulernissaa aalajangerneqassasoq. Inatsisartut inatsisaata kingusinnerusukkut atuutilernissaanik aalajangiinissamut tunngavigineqarpoq, sorsuttoqarneranut sorsuttoqarnissaanullu aarlerinartorsiortoqarneranut pilersaarusiornissamut piginnaatitaaffik nuunneqassappat, Naalagaaffik aamma Namminersorlutik Oqartussat akunnerminni isumaqatigiissuteqartariaqarmata. Aammattaaq inatsisissatut siunnersuummut nassuiaatit nalinginnaasut, tak. imm. 1.5, innersuussutigineqarput.

Inatsisartut inatsisaata matuma atuutilerneranut peqatigitillugu inatsisip nr. 342-p, 23. december 1959-imeersup Kalaallit Nunaannut atuutsinneqalernissa pillugu Kunngip peqqussutaata nr. 405-ip, 20. december 1962-imeersup aamma suliassanut pingaarnertinneqartunut nalunaarutip nr. 331, 14. maj 1990-imeersup, suliassa qarfinnut Namminersorlutik Oqartussanit tiguneqareersimasunut atorunnaarsinneqarnissaa imm. 2-mi siunnersuutigineqarpoq.

Aammattaaq inatsisissatut siunnersuummut nassuiaatit nalinginnaasut, tak. imm. 1.5., innersuussutigineqarput.

Imm. 3 naapertorlugu inuinnarnut upalungaarsimaneq pillugu Inatsisip nr. 342-p, 23. december 1959-imeersup Kalaallit Nunaannut atuutsinneqalernissaa pillugu Kunngip peqqussutaa nr. 405, 20. december 1962-imeersooq aamma suliffeqarfiit salliutinneqartut pillugit Nalunaarut nr. 331, 14. maj 1990-imeersooq Naalagaaffimmi oqartussaasunut atuutiinnassaaq, taamaalillunilu naalagaaffimmi oqartussat suliassa qarfinni, Namminersorlutik Oqartussanit tiguneqarsimannigitsuni sorsuttoqarneranut sorsuttoqarnissaanullu aarlerinartoqarneranut pilersaarusiornissamut pisussaaffeqarnertik ingerlatiinnassavaat.